

# Hysbysiad 90 Diwrnod

Cynlluniwyd y cyfrif cynilo hwn yn benodol ar gyfer cwsmeriaid dros 18 oed sy'n chwilio am gyfrif ble gallant adneuo arian, ac sy'n gallu rhoi cyfnod rhybudd o 90 dydd cyn cael mynediad i'w harian. Dim ond ar gyfer ymgeiswyr newydd sy'n byw yng Nghymru neu aelodau presennol (sy'n byw yn y Deyrnas Unedig) y mae ein cynhyrchion cynilo ar gael.

**SWANSEA**  
BUILDING SOCIETY

Sefydlwyd 1923

[www.swansea-bs.co.uk](http://www.swansea-bs.co.uk)

## Blwch crynodeb – Gwybodaeth Allweddol am y Cynnyrch:

Enw'r Cyfrif	Hysbysiad 90 Diwrnod
Beth yw'r gyfradd llog?	<ul style="list-style-type: none"><li>4.25% GROS / 4.33% CFG (Amrywiol) Cyfraddau'n gywir ar 01.09.2023</li><li>Telir llog yn fisol ar ddiwrnod olaf y mis a gellir ei dalu i'r cyfrif neu'i drosglwyddo i gyfrif arall a ddelir gennych gyda'r Gymdeithas neu i gyfrif mewn banc neu gymdeithas adeiladu arall.</li><li>Telir llog yn gros heb i dreth gael ei dynnu. Os yw cyfanswm y llog a enillwch yn fwy na'ch Lwfans Cynilo Personol yna efallai y bydd angen i chi dalu treth yn uniongyrchol i CThEM. Am ragor o wybodaeth ewch i <a href="http://www.gov.uk">www.gov.uk</a> a chwilio am 'Personal Savings Allowance'.</li><li>Ystyr AER yw Cyfradd Flynyddol Gyfatebol (Annual Equivalent Rate) ac mae'n darlunio beth fyddai'r gyfradd llog pe telid y llog a'i ychwanegu'n flynyddol.</li><li>Nodwch os gwelwch yn dda fod y driniaeth o ran treth a'r gyfradd llog sy'n daladwy, yn dibynnu ar amgylchiadau unigol pob cwsmer, ac fe allant newid yn y dyfodol.</li><li>Bydd y gyfradd llog ar gyfer y cyfrif hwn yn cael ei harddangos ar ein gwefan ar <a href="http://www.swansea-bs.co.uk">www.swansea-bs.co.uk</a> er mwyn i gwsmeriaid gael mynediad a monitro o bryd i'w gilydd yn ôl y galw.</li></ul>
A all Swansea Building Society newid y gyfradd llog?	<ul style="list-style-type: none"><li>Gall – mae cyfraddau llog yn amrywiol, sy'n golygu y gall y gyfradd llog fynd i fyny ac i lawr, a gellir eu newid ar unrhyw adeg.</li><li>Byddwn ni'n rhoi 14 diwrnod o rybudd ysgrifenedig drwy'r post ynghylch unrhyw newid arfaethedig i'n cyfraddau llog. Byddant hefyd yn cael eu postio ar ein gwefan, <a href="http://www.swansea-bs.co.uk">www.swansea-bs.co.uk</a> neu gallwch ymweld ag unrhyw un o'n swyddfeydd cangen a restrir ar gefn y daflen hon, neu'u ffonio. Gellir cael manylion am gyfraddau llog cyfrifon cynilo eraill Swansea Building Society yn ein taflen 'Detholiad o Gyfrifon Cynilo' sydd ar gael drwy ymweld ag un o'n canghennau, neu'u ffonio neu ar lein ar <a href="http://www.swansea-bs.co.uk">www.swansea-bs.co.uk</a>.</li><li>Er mwyn deall pam y gallai cyfraddau gael eu gostwng, cyfeiriwch os gwelwch yn dda at ein Telerau ac Amodau Cyffredinol ar gyfer gweinyddu Cyfrifon Cynilo.</li></ul>
Beth fyddai'r amcangyfrif o falans ar ôl 12 mis?	<ul style="list-style-type: none"><li>Balans arfaethedig = £1,043.34 (Mae'r ffigwr hwn i bwrpasau darlunio'n unig, nid yw'n ystyried amgylchiadau unigol y cwsmer, ac yn seiliedig ar adnau o £1,000 a dim adneuo'n ychwanegol, na chodi arian na newid i'r gyfradd llog yn ystod y cyfnod 12 mis.)</li></ul>
Sut ydw i'n agor a rheoli fy nghyfrif?	<ul style="list-style-type: none"><li>I agor cyfrif, rhaid eich bod yn preswyllo yng Nghymru. Galwch yn un o'n canghennau neu llenwch ffurflen gais a'i phostio atom ynghyd â siec yn daladwy i '(eich enw)'. I gael mwy o fanylion am ein proses Adnabod, gweler ein Taflen Profi eich Hunaniaeth sydd ar gael o swyddfeydd cangen neu ar lein ar <a href="http://www.swansea-bs.co.uk">www.swansea-bs.co.uk</a>.</li><li>Lleiafswm y buddsoddiad yw £1. Uchafswm y buddsoddiad ar gyfer unrhyw gwsmer a agorodd gyfrif ar neu cyn 28.02.23 oedd £1m*, neu ar gyfer cwsmeriaid newydd a agorodd gyfrif ar ôl 01.03.2023, uchafswm y buddsoddiad yw £85k ar gyfer cyfrif unigol / £170k ar gyfer cyfrif ar y cyd. Uchafswm y balans y gellir ei ddal ar draws pob cyfrif a ddelir gyda'r Gymdeithas yw £1m*, neu £85k ar gyfer cwsmer unigol / £170k ar gyfer cwsmeriaid ar y cyd ble agorodd y cwsmer gyfrif am y tro cyntaf gyda'r Gymdeithas ar neu wedi 01.03.23. *Nodwch os gwelwch yn dda na fydd hawl gan gwsmer(iaid) presennol, a agorodd gyfrif ar 28.02.23 neu cyn hynny, ac sy'n dal balans cynilo cyfun dros £85k ar gyfer cwsmer unigol neu £170k ar gyfer cwsmeriaid cyfun, i adneuo rhagor o arian pan fydd eu balansau cyfunol yn fwy na'r symiau hyn.</li><li>Gellir adneuo drwy gyfrwng siec, trosglwyddiad banc electronig, trosglwyddo o gyfrif arall a ddelir gyda'r Gymdeithas (yn unol â Thelerau ac Amodau'r cyfrif hwnnw) gorchymyn archeb sefydlog o gyfrif banc / cymdeithas adeiladu arall yn y DU neu arian parod (cyfyngir adneuo arian parod i £3,000 fesul cwsmer fesul dydd).</li><li>Gallwch reoli eich cyfrif mewn cangen, dros e-bost, drwy'r post neu ar lein drwy neges ddiogel (yn ddiabynnol ar feini prawf cymhwysedd Cyfrif Swansea Online, ar gael pan fyddwch chi'n clicio ar 'Cofrestru Nawr / Register Now' ar <a href="https://swansea-bs.co.uk/customer-support/online-registration">https://swansea-bs.co.uk/customer-support/online-registration</a>).</li></ul>
Ydw i'n gallu codi arian?	<ul style="list-style-type: none"><li>Gellir tynnu arian o'r cyfrif ddim ond ar ôl i 90 diwrnod ddod i ben wedi i ni dderbyn eich hysbysiad ffurfiol i'r Gymdeithas eich bod eisiau codi arian. Rhaid i'ch hysbysiad nodi'r swm i'w godi a gellir gwneud hynny drwy ymweld â ni mewn swyddfa cangen. Neu gallwch anfon eich cyfarwyddyd ysgrifenedig atom wedi'i lofnodi, drwy'r post, dros e-bost neu drwy gyfrwng ein gwasanaeth ar lein Swansea Online gan ddefnyddio'r gwasanaeth anfon neges ddiogel.</li><li>Y lleiafswm y gellir ei godi yw £1 (neu lai os yw'r cyfrif yn cael ei gau). Isafswm y balans y mae angen ei ddal yn y cyfrif hwn yw £1.</li><li>Uchafswm yr arian parod y gellir ei godi fesul cwsmer fesul dydd yw £1,000.</li></ul>

<p>Gwybodaeth Ychwanegol</p>	<ul style="list-style-type: none"> <li>I weld y Telerau ac Amodau Cyffredinol sy'n berthnasol i'r cyfrif hwn, gweler "Telerau ac Amodau Cyffredinol ar gyfer gweithredu Cyfrifon Cynilo", sydd ar gael o'n canghennau neu ar lein ar <a href="http://www.swansea-bs.co.uk">www.swansea-bs.co.uk</a>.</li> <li>Mae'r Gymdeithas yn rhan o'r Cynllun Iawndal Gwasanaethau Ariannol (FSCS). Gellir gweld manylion y cynllun a phwy sy'n cael eu gwarchod ganddo ar <a href="http://www.fscs.org.uk">www.fscs.org.uk</a>.</li> <li>Fe all costau a ffioedd gwasanaeth fod yn berthnasol i'ch cyfrif. Amlinellir y rhain yn ein Toll Cynilo.</li> <li>Dan rai amgylchiadau, fe allwn wrthod cyfarwyddyd i weithredu cyfrif. Amlinellir yr amgylchiadau hyn yn ein Telerau ac Amodau Cyffredinol ar gyfer gweithredu Cyfrifon Cynilo.</li> </ul>
<p>Telerau ac Amodau Penodol ar gyfer Cyfrif Hysbysiad 90 Diwrnod</p>	<p><b>1. Agor y cyfrif a Therfynau Buddsoddi:</b> I agor cyfrif, rhaid i'r ymgeisydd (ymgeiswyr) fod yn 18 oed neu hŷn. Lleiafswm y buddsoddiad yw £1. Pennir uchafswm y buddsoddiad gan reoliadau ISA sydd mewn grym ar y pryd. Uchafswm y balans y gellir ei ddal ar draws pob cyfrif a ddelir gyda'r Gymdeithas yw £1m*, neu £85k ar gyfer cwsmer unigol / £170k ar gyfer cwsmeriaid ar y cyd ble agorodd y cwsmer gyfrif am y tro cyntaf gyda'r Gymdeithas ar neu wedi 01.03.23</p> <p><b>2. Buddsoddi Pellach:</b> Gallwch ychwanegu at eich cynilon ar unrhyw adeg, drwy alw yn eich cangen leol â'ch adnau. Os yw'n fwy cyfleus, gallwch bostio'r adnau, gwneud taliad drwy drosglwyddiad banc electronig neu gynilo ag archeb sefydlog o gyfrif banc neu gymdeithas adeiladu a leolir yn y DU. *Nodwch os gwelwch yn dda na fydd hawl gan gwsmer(iaid) presennol, a agorodd gyfrif ar 28.02.23 neu cyn hynny, ac sy'n dal balans cynilo cyfun dros £85k ar gyfer cwsmer unigol neu £170k ar gyfer cwsmeriaid cyfun, i adneuo rhagor o arian pan fydd eu balansau cyfunol yn fwy na'r symiau hyn.</p> <p><b>3. Codi Arian:</b> Gallwch godi arian o'ch cyfri drwy roi 90 diwrnod o rybudd, yn unol â chyfyngiadau'r Gymdeithas. Ceir manylion am gyfyngiadau codi arian parod a sieciau yn ein canghennau ac ar ein gwefan.</p> <p><b>4. Llog:</b> Mae llog yn amrywio ac fe'i cyfrifir yn ddyddiol ar y balans sydd yn y cyfrif, i'w dalu ar ddiwrnod gwaith olaf y mis calendr, a gellir ei dalu i'r cyfrif neu'i drosglwyddo i gyfrif arall gyda Swansea Building Society neu i gyfrif mewn Banc neu Gymdeithas Adeiladu arall yn y DU a ddelir gan ddeilia(i)d y cyfrif. Pan fydd swm y llog i'w dalu'n llai na £5 ac mae angen ei dalu allan o'r cyfrif, bydd hyn yn cario drosodd i ddiwrnod gwaith olaf y mis canlynol i'w dalu hyd nes bo'r swm i'w dalu yn £5 neu fwy. Anfonir datganiadau'n flynyddol ar 31 Rhagfyr.</p> <p><b>5. Telerau ac Amodau:</b> Mae'r Telerau ac Amodau Cynnyrch penodol hyn yn berthnasol i'r cyfrif hwn yn ogystal â'n Telerau ac Amodau Cyffredinol ar gyfer Cyfrifon Cynilo. Pan fydd unrhyw anghysondeb rhwng y Telerau ac Amodau Cyffredinol ar gyfer Cyfrifon Cynilo a'r Telerau ac Amodau Cynnyrch penodol, y Telerau ac Amodau Cynnyrch penodol fydd yn berthnasol.</p>

Mae'r wybodaeth a ddarperir yn fersiwn gryno o nodweddion allweddol y cyfrif cynilo, ac ni fwriedir iddynt fod yn lle darllen y telerau ac amodau sy'n berthnasol i'r cyfrif.



[www.swansea-bs.co.uk](http://www.swansea-bs.co.uk)

**Caerfyrddin**

13-14 Heol Awst, Caerfyrddin SA31 3AQ  
01267 611950 | [carmarthen@swansea-bs.co.uk](mailto:carmarthen@swansea-bs.co.uk)

**Y Bont-faen**

75 Stryd Fawr, Y Bont-faen, CF71 7AF  
01446 506000 | [cowbridge@swansea-bs.co.uk](mailto:cowbridge@swansea-bs.co.uk)

**Y Mwmbwls**

496 Heol Mwmbwls, Abertawe SA3 4BX  
01792 739200 | [mumbles@swansea-bs.co.uk](mailto:mumbles@swansea-bs.co.uk)

**Abertawe**

1-4 Stryd Portland, Abertawe, SA1 3DH  
01792 739100 | [swansea@swansea-bs.co.uk](mailto:swansea@swansea-bs.co.uk)

